



8. februar 2017

Inatsisartut Suleriaasianni § 37 naapertorlugu Naalakkersuisunut apeqquutit imaattut matumuuna saqqummiuppakka:

Naalakkersuisunut apeqquutit kilisaatini hashi pillugu (Apeqquuteqaqqinneq):

- 1. Naalakkersuisut tamarmik aalajangeeqataaffigisimanerlugu aalisartitseqatigiiffiit aalisarnissamut akuersissummut itigartinneqarsinnaasut, sulisui hashimik anngiortumik eqqussisimappata aalisartitseqatigiiffiup umiarsuaatai atorlugit?**
 - 2. Naalakkersuisut isumaqarpat sullivik pillarneqarsinnaassasoq sulisup pinerluutigisimasaa pissutigalugu?**
 - 3. Naalakkersuisut isumaqarpat naalagaaffittut inatsisit tunngavigalugit aqunneqartutut taaneqartuaannarsinnaassasut allaffissornikkut sulliit akuersissutaannik arsaartassagutsigit sulisuisa pinerluuteqarsimanaerat pissutigalugu?**
- (Inatsisartunut ilaasortaq Michael Rosing, Demokraatit)

Tunngavilersuut:

Demokraatini nalunngilluinnarpalut § 37 tunngavigalugu Naalakkersuisunut apeqquutit Namminersorlutik Oqartussat allaffissornerannut akisuupilussuusut. Taamaattumik siunertarisamut naleqqulluassagaluarpoq Naalakkersuisut ilungersornerusartuuppata apeqquutit akiniarlugit asuli avaqqutaariniansarinatik.

Apeqquutinnut akissutaanngilluinnartunik nassuissinermikkut Naalakkersuisut pinngitsaalillunga apeqquuteqaqqittariaqalersippaannga, tamannalu Namminersorlutik Oqartussat allaffissornerannut piffissaajaataavoq akissajaataallunilu. Tamanna kukkusumik pingarnersiuineruvoq.

Uani pisumi Aalisarnermut Piniarnermullu Naalakkersuisup apeqquutit tigussaalluinnartut pingasut akinngitsoorpai (§ 37-43-2017) - soorunami imaassinjaavoq Aalisarnermut Piniarnermullu Naalakkersuisup siorasaarutini peqqissimissutiglersimagai. Aamma imaassinjaavoq Naalakkersuisuni saqqummiunneqartut siorasaarinerit ilalerneqarsimangitsut. Kisianni taamaakkaluarpalluunniit apeqquutit tigussaasut apeqquutigineqartut Inatsisartuni ilaasortamit apeqquutigineqartut Naalakkersuisut pinngitsooratik akisussaavaat.

Aalisarnermut Piniarnermullu Naalakkersuisup apeqquutikka akisinjaanngippagit piumasarissavara apeqquutikka Naalakkersuisunut Siulittaasup tullianut imaluunniit Naalakkersuisut Siulittaasuanut akisassanngorlugit innersuunneqassasut.

Apeqquutit akeequakka ullut suliffiit naliginnaasut qulit iluanni.